

УБМБУ Судакъ шеэри  
больгеси  
«Къырымтатар тилинде  
окъуткъан 3 номералы  
орта умумтасиль  
мектеби»

# КЪЫРЫМ ЭВЛЯДЫ

**IV НЕШИР**

**Декабрь 2023с.**

Газетанынъ бу  
номерасында:

**Муджизе  
Бахшылар  
Янъы йыл йырлары**

## Муджизе

Бугунъ, 7 декабрь куню, УБМБУ Судакъ шеэри больгеси «Къырымтатар тилинде окъуткъан 3 номералы орта умумтасиль мектеби»нде кетен безинде ресим япув мастер-классы кечти.

Балалар ичюн азыр ресимлерни сайлап алмакъ имкяны бар эди, амма озь фантазияны да сынамакъ имкян берильди.

Сонъки сефер бизим рессамларымыз фырчаларны бир-къач йыл эвельси, даа ресим дерслери кечкенде туткъан эдилер.

Генчлик Эви исе бу вазиетни тюзетип, балаларны яратыджы муитке далдырды!

Аджайып бир муит эди! Талелелерде тек яхшы теэсуратлар къалды!  
Балаларнен Яна Якуба чалышты!



ДОМ МОЛОДЕЖИ



ДОМ МОЛОДЕЖИ

# Бахшышлар



УБМБУ Судакъ шеэри больгеси «Къырымтатар тилинде окъуткъан 3 номералы орта умумтасиль мектеби»нинъ талебелери, оджалары ве ана-бабалары Судакъ шеэрининъ волонтерлары тарафындан теклиф этильген бала эвлеринде тербие алгъан балачыкълар ичюн янъы йыл бахшышларыны топлавда иштирак эттилер.

Мектеп идареджилегининъ балалары бахшышларны дикъкъатлыкънен топлап, оларгъа озь севги ве сыдакълыгъыны къоштылар, сонъра исе бахшышларны Генчлик эвининъ фааль итиракчисине — Яна Якубагъа алып бердилер.

Бу киби акция энди мектебимизнинъ анъ-анесине чевирильди, балаларны мераметликке ве ярдымсеверликке алыштырды.

Бу бахшышларгъа мухтадж олгъан балачыкълар ичюн бу муджизени яратмакъ имкъянымыз олгъаны ичюн — мемнюнмиз!



# ♪♪♪ Янъы йыл йыры ♪♪♪

## ♪♪ Tezden Yaňı yıl ♪♪

Küneş saqlanğan,  
Qarlar ep yağğan.  
Temiz azbarda  
Ziy-çuv şamata.  
Er yer bem-beyaz,  
Sanki bir yorğan.  
Ayaz bar biraz,  
Yüzler qızarğan.

Tezden-tezden yaňı yıl  
Kelip çıqacaq.  
Narat-narat túbünde  
Bayram olacaq.  
Kimdir çette oturğan,  
Kel bizge qoşul.  
Epimiz için hayırlı  
Yaňı yıl olsun!



Narat kiyingen,  
Qışnı alğışlay.  
Evin terk etken  
Tavsan çağalay.